

Mohd Amirul Kasyful Nur bin Zulkifli

From: Welcome Centre
Sent: 27 Januari 2016 16:37
To: UUM - All Staff; UUM - All Students
Subject: DIAM-DIAM UUM DIKUNJUNGI PANEL PENILAI PERTANDINGAN LANDSKAP



27 JANUARI 2016 / 17 RABIULAKHIR 1437H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: H. Rasidah H. Rodzi
Gambar oleh: Anjung Tamu

DIAM-DIAM UUM DIKUNJUNGI PANEL PENILAI PERTANDINGAN LANDSKAP



ANJUNG TAMU ONLINE: Menimbulkan minat dan kesedaran warga kampus terhadap seni landskap, tanaman dan bunga-bunga serta memupuk semangat betapa pentingnya landskap untuk persekitaran alam sekitar yang nyaman dan cantik antara faktor daya tarikan Discover UUM 2016.

Sementara itu, tanggungjawab yang digalas oleh Unit Landskap Jabatan Pembangunan dan Penyelenggaraan bukanlah mudah tanpa kerjasama warga kampus bagi memelihara alam semula jadi yang penuh keindahan di samping mewujudkan keseimbangan alam persekitaran bagi mencorakkan kampus di rimba hijau.

Dalam konteks ini, satu pasukan Panel Penilai Pertandingan Landskap dari Majlis Daerah Kubang Pasu (MDKP), Jitra Kedah telah berkunjung ke Welcome Centre bagi menilai landskap UUM yang telahpun tersenarai dalam Pertandingan Landskap Daerah Kubang Pasu baru-baru ini.

Menurut Ketua Penilai Pertandingan yang juga Pegawai Perancang Bandar MDKP, Mohd. Fadzli Abu Bakar, "Welcome Centre amat baik sebagai persepsi awal terhadap pengunjung yang berkunjung ke kawasan UUM".

Panel Penilai diiringi oleh Penolong Arkitek Landskap JPP, Abdul Rahman Isa sepanjang lawatan sekitar Welcome Centre bagi memastikan pemeliharaan flora dan fauna, teduhan dan lindungan sinaran matahari yang sebaiknya.

Justeru, sama-sama kita menggalakkan penglibatan warga kampus dalam meningkatkan kualiti dan nilai landskap supaya UUM dapat mewujudkan suasana persekitaran semula jadi yang indah serta meningkatkan pemandangan estetik yang menarik.

=====

DARIPADA:
ANJUNG TAMU
UNIT KOMUNIKASI KORPORAT
CANSELORI
UNIVERSITI UTARA MALAYSIA (UUM)
TEL.: 04-928 3044/3050/3051/3098
FAKS: 04-928 3095
E-MEL: welcome_centre@uum.edu.my

